

ces fortiter ac magnificè contemnamus. Devoluptatibus autem ita iudicat, omnes quocunque sensu corporeo immodicè susceptas, esse fœdas fugiendasque sapienti, eas verò præcipuè quæ gustu tactuque confisterent esse turpissimas: Quod cum cæteræ sint hominum tantummodò, hæ quidem sunt homini communes cum beluis. Quare quisquis non modò stultitiam, sed bestialitatem etiam ac veritatem declinare studet, ab his animum summoperè coërceat. Illud ab eodem sapienter excogitatum refert Cicero: Fingantur, inquit, aliqui sub terra nati, sub terra educati, magnifico quodam palatio, prædecoris picturis atque imaginibus adornato, suppeditante affatim omnium rerum copia, quibus abundare solent, qui fœlices appellantur affluentibus, præterea omnis generis delitiis, quarum ille locus capax sit: lumine etiam penetranti tenebras arcente, & subtili hominum artificio, aduersus naturale domicilij torpentis incommodum excubante, ita tamen ab infantia edocti esse, diuinam quandam potestatem ac naturam creatricem rerum mirabilium iis ipsis denique sic institutis, alioquin hu-

mana